



宣講引證
幼丹沈葆楨題箋



風陵文庫
文庫19
F142
5





F0142-(5)

宣講引證卷五

壽甯縣學教諭謝鼎校對

員外郎銜戶部江南司事鄭福臻校正

宣講生戴奎編輯

第六條

隆學校以端士習釋義

隆猶盛也。禮記樂記注尊也。荀子注學教也。儀禮亦教

釋禮義之府。禮記念終始典於學注崇名立身之本也

說苑學官謂庠序之舍。漢書注小學者經藝之宮。大學

者辟雍鄉射之宮。白虎通校學也。左傳游於鄉校釋文

學制五帝曰成均。虞始即學以藏。桀曰庠。又曰米廩。夏

以射。造士曰序。商以樂。造士曰較。即校也又曰瞽宗。周

兼用之。內建四學。虞庠北。夏序東。殷較西。當代之學居

中曰膠。又曰辟雍。行之侯國曰泮宮。凡鄉立庠。州立序。

黨立校。許氏通考端正也。禮記曲禮下注衷理不辟謂

之端。賈子士事也。書是以為大夫卿士傳知義理之名

論語皇疏坎為習。易象君子以朋友講習虞注習常也

易虞注修故之稱也。論語學而時習之皇疏

右錄金筌颺言

會典 凡學校之制

京師立國子監曰太學。直省府州縣衛各於所治立學。皆

祀

先師以崇矩範。闢黌舍以聚生徒。時肄習以廣術業。勤訓迪

以儲人材。

直省省城設立書院。皆奉

旨賜帑贍給師生膏伙。令有志向上無力就師各生入院肄

業。

書院師長稱院長。其有教術可觀。人材奮起。六年之後。

著有成效者請

旨酌量議敘。諸生中材器尤異者。亦令薦舉一二。以示鼓勵。京師暨各省府州縣俱設義學。慎選文行兼優之士。爲諸生中貧乏無力者酌給薪水膏火。

直省府州縣大鄉巨堡各置社學。擇學優行端之生員爲師。免其差役。由地方官量給廩餼。仍報學政查覈。前同

隆學校以瑞士習廣訓衍引證

萬歲爺的意思說。人生在世。都要喫好的穿好的。是世界上最沒有身子一箇不要好的了。但是身子固然要緊。這箇心更是要緊的。人爲甚麼只圖身子好。不要心裏好呢。呢。你只看伶俐些的人。他就使乖弄巧。哄騙那愚蠢的。強梗些的人。他就橫行霸道。欺侮那軟弱的。這總是失了教導的緣故。不知人若是失了教。縱使穿件好衣服。心裏總是糊塗的。就如騾子馬。空備了副好鞍轡。到底是箇蠢物。縱使喫碗好茶飯。心裏總是齷齪的。就如貓

宣講引證

卷五

兒狗兒雖喫着人的東西。到底是箇畜類。所以聖人有箇養就有箇教。

引朱子白鹿洞揭示

父子有親。君臣有義。夫婦有別。長幼有序。朋友有信。右五教之目。堯舜使契爲司徒。敬敷五教。卽此是也。學者學此而已。而其所以學之之序。亦有五焉。其別如左。

博學之。審問之。慎思之。明辨之。篤行之。

右爲學之序。學問思辨四者所以窮理也。若夫篤行

之事。則自修身以至於處事接物。亦各有要。其別如左。

言忠信。行篤敬。懲忿窒慾。遷善改過。

右修身之要。

正其誼。不謀其利。明其道。不計其功。

右處事之要。

己所不欲。勿施於人。行有不得。反求諸己。

右接物之要。

熹竊觀古昔聖賢所以教人爲學之意。莫非使之講

明義理以修其身。發推以及人。非徒欲其務記覽爲詞章。以釣聲名取利祿而已也。今之爲學者。則既反是矣。然聖賢所以教人之法。具存於經。有志之士。固當熟讀深思而問辨之。苟知其理之當然。而責其身所必然。則夫規矩禁防之具。豈待他人設之。而後有所持循哉。近世於學有規。其待學者爲已淺矣。而其爲法。又未必古人之意也。故今不復以施於此堂。而特取凡聖賢所以教人爲學之大端。條列如右。而揭之楣間。諸君其相與講明遵守。而責之於身焉。則夫

思慮云爲之際。其所以戒謹而恐懼者。必有嚴於彼者矣。其有不然。而或出於此言之所棄。則彼所爲規者。必將取之。固不得而畧也。諸君其亦念之哉。書院規條
從古以來。一家一鄉。逢州逢縣。都有座學。沒有一箇人不在這學裏教的。地方既有一定的去處。又有師長們着實的管束。

引易曰。蒙以養正。聖功也。夫發蒙童年始事耳。而係之曰聖功。則知先入者爲主。少成若天性。關係正非鮮淺。是在於塾師之善爲造福矣。述蒙館條約。

子弟讀書務要讀得極熟。於生書則限以課程。於溫書則嚴於背誦。一字不許差落。切勿貪行數之多。子弟八九歲稍有知覺。即宜開講小學。雖每日自有講書正課。然宜檢出一二條與他講究。或將

聖

諭廣訓及忠孝廉節事實。並日記故事等書亦好。然須覆講。

子弟極幼者。每晚亦講家訓格言。隨其質之高下。即一二行或兩三句亦好。總以常講爲要。

凡書史中淫穢之事。切勿向後輩談及。詩詞中香豔之句。亦勿選與生徒讀。

精選古今勸孝詩。多則五六十首。少則二三十首。初講字面。繼講意義。使之朝吟夕誦。或亦可觸發其天良。近刻發蒙諸書皆可讀。早起必洗手。然後開卷。學徒出恭。亦必命洗手。然後開卷。家塾中須常懸聖像。俾學徒朝夕拈香致拜。或懸天地君親師五大字。早晚作揖亦可。

爲人師者。切忌誤人子弟。無功食祿。天譴所必加。且訓徒以德行爲先。文藝次之。有文而無行。雖得功名。仍於處世保身治家之道。一無可取。是亦誤人子弟。

宜讀書 卷五
也試思之

沈潛高明。子弟之質不同也。而總宜先教以敬父母。敬伯叔敬兄長。能遵此者。其在家塾中。自彬彬有禮。不至或慢其師。

教徒更宜加意者。寡婦之子。單傳之子。及乃父本不識字而勉力讀書之子。子弟讀書。有初則艱於上口。後則漸有會心者。切勿因讀質稍鈍。棄之而不留心。教徒須如教子一般。每日自問。教子能盡心。教徒亦能盡心。否庶乎不欺。每年須將到館日期。逐日記帳。

總之多坐幾日。方是體貼人情。處館者固宜不涉世務矣。然自身亦須保養。不可使之多病。蓋多病則或作或輟。到館之日必少。卽欲盡職。亦焉能之。

塾師偶然解館。屬在東翁。有將子弟之書。抽出幾處。命他背誦。而子弟竟不能背誦者。原其故。由每日專貪行數之多。而其實出於強記也。強記之書。三四日猶可。數日後卽背不出。一二月後竟差落異常矣。故與其於未讀者務使之多。孰若於已讀者務使之熟。寄膳生徒。爲師者更宜經心。蓋子弟在家。內有父母。

外有兄弟俱得加意管束。而至於附學。則種種託之先生。一出一入。學徒之成敗係焉。豈可不刻刻防閑。教徒又宜相體裁衣。在其家爲功名計者。因宜多讀經書。或有三年五年。卽要經管家務。及學書店業者。則宜每日多限字課臨帖鈔書之外。或教之信札。或教之帖式。或教之算法及雜字簿。惟謹守家規。與嫻習禮貌。則士農工商無二理也。

爾汝之稱。豈可施諸尊長。而麤心者。往往失檢。學徒初識字時。卽以此爲戒。得一錄蒙館條約

證

王文康公父訓誨童蒙。必盡心。乃每日童子一師事我。則終身成敗榮辱俱我任之。若不盡心竭力。悞人子弟。與庸醫殺人等罪。又喜爲童子講孝弟故事。曰學者先心術。而後文藝。先敦本。而後施行。如孝弟有虧。雖才華震世。不足重也。晚年生文康公。科名高擢。元宰必讀書

國朝潘景雲。四川成都人。爲諸生時。苦心教學。不肯悞人子弟。除館課外。每日必另爲子弟講忠孝節義故事數條。反覆開導。爲其徒者。皆知入孝出弟。勤業

守分。後鄉試入闈。房官已棄其卷。忽耳邊若有人語。曰。此能苦心訓學者。已註定聯捷矣。遂取薦中式。房官白其事。潘益勉力。次年果成進士。則知爲人師者。以教人成德爲第一事。凡孝弟忠信故事。務要不辭勞苦。時爲講說。萬不可虛使脩金。奉行故事。誤人終身也。日記故事全集

童蒙知識漸開。所賴塾師留心啟迪。以期培植人材。但近世塾師每多曠館。致童蒙相習惡風。此塾師不得辭其咎也。吳門某村廟空屋。塾師賃之。課蒙童七

八人。年最長者不及十歲。適師他出。諸童戲效官長審囚事。推一童高坐爲官長。一童伏地作囚人。餘爲執刑諸人。高坐者喝問。伏地者吐供。均不知作何語。有時官長語塞。又來一童坐爲官長。隨喝令掌嘴。執刑脫鞋責五下。伏地者罵。喝令絞。以腰帶繞其頸。伏地者撐拒。喝令緊收。伏地者甫九歲。力弱。一時不能動。氣絕。呼之不醒矣。於是官長執刑諸人慌急。互相埋怨。躲入鐘樓。死童母攜點心至。師亦自外回。但見小橈縱橫。諸童不見。一童死地下。母見爲其子。伏而

哭之哀。竭力解救無效。師不知所爲。遍呼諸童不應。尋至鐘樓。蒙童等皆戰戰兢兢。藏伏一處。一一曳出。之下樓詢責再三。方知其致死之由。俄童子父亦趕至。年六十餘。祇此一子。大哭欲與師拚命。眾拉勸。憤極赴縣喊告。驗明實係勒斃。欲罪下手。又有喝令者。欲罪喝令。又不一其人。諸童皆哭。賴廟僧五六人俱出外作佛事。旁無干證。童子父必欲抵償。爲之反覆開導。以律例內戲殺本無擬抵之條。况童子無知。誰首誰從。均難辨擬。惟有坐塾師。以曠悞館務。不加約

束。致釀人命罪。應遣戍。問擬完案。此可爲兒戲者戒。亦可爲塾師曠館者戒。梁恭辰勸戒六錄

所以教化出許多人物來。風俗也就分外的好。伶俐的人都老實起來。愚蠢的人都明白起來。強梗的人都良善起來。軟弱的人都硬掙起來。自從有了教化。便把普天下各樣的人。都可以整齊得一樣了。這箇教化最是少不得。比喫飯穿衣更是要緊哩。

證呂榮公名希哲。字原明。申國正獻公之長子。正獻公居家簡重。寡默。不以事物經心。而申國夫人性嚴有

法雖甚愛公。然教公事事循蹈規矩。甫十歲。祁寒暑
雨。侍立終日。不命之坐。不敢坐也。日必冠帶。以見長
者。平居雖甚熱。在父母長者之側。不得去巾襪。褊袴
衣服。惟謹。行步出入。無得入茶肆酒肆。市井里巷之
語。鄭衛之音。未嘗一經於耳。不正之書。非禮之色。未
嘗一接於目。正獻公通判潁州。歐陽公適知州事。焦
先生千之伯強。客文忠公所。嚴毅方正。正獻公招延
之。使教諸子。諸生小有過差。先生端坐。召與相對。終
日。竟夕不與之語。諸生恐懼畏服。先生方略降辭色。

時公方十餘歲。內則正獻公與申國夫人教訓如此
之嚴。外則焦先生化導如此之篤。故公德器成就大
異眾人。公嘗言。人生內無賢父兄。外無嚴師友。而能
有成者少矣。朱子小學

我

聖祖仁皇帝坐的年代久。極是隆重教化的。凡養士的去處。教
士的方法。無一不備。士為四民之首。人家待士無不尊
重。那些為士子的。豈可倒自己輕賤起來麼。
引恭錄

順治九年二月初九日

禮部題奉

欽依刊立卧碑曉示生員

朝廷建立學校。選取生員。免其丁糧。厚其廩餼。設學院學道。學官以教之。各衙門官以禮相待。全要養成賢才。以供

朝廷之用。諸生皆當上報

國恩。下立人品。所有教條開列於後

一生員之家。父母賢智者。子當受教。父母愚魯或有非為者。子既讀書明理。當再三懇告。使父母不蹈於危

亡

一生員立志當學為忠臣清官。書史所載忠清事蹟。務須互相講究。凡利國愛民之事。更宜留心。

一生員居心忠厚正直。讀書方有實用。出仕必作良吏。若心術邪刻。讀書必無成就。為官必取禍患。行害人之事者。往往自殺其身。常宜思省。

一生員不可干求官長。結交勢要。希圖進身。若果心善德全。上天知之。必加以福。

一生員當愛身忍性。凡有司官衙門。不可輕入。即有切

已之事。只許家人代告。不許干與他人詞訟。他人亦不許牽連生員作證。

一為學當尊敬先生。若講說皆須誠心聽受。如有未明。從容再問。毋妄行辨難。為師者亦當盡心教訓。勿致怠惰。

一軍民一切利病。不許生員上書陳言。如有一言建白。以違制論黜斥治罪。

一生員不許糾黨多人立盟結社。把持官府武斷鄉曲。所作文字。不許妄行刊刻。違者聽提調官治罪。明倫堂

碑

讀書的士子。先要循規蹈矩端端正正。然後街坊鄰舍。一鄉一村上的人。也都跟着他學好。風俗豈不改變了麼。

引明道先生言於朝曰。治天下以正風俗得賢才為本。宜先禮命近侍賢儒及百執事。悉心推訪。有德業克備足為師表者。其次有篤志好學材良行修者。延聘敦遣。萃於京師。朝夕相與講明正學。其道必本於人倫。明乎物理。其教自小學灑掃應對以往。修其孝弟。

忠信周旋禮樂。其所以誘掖激勵漸摩成就之道。皆有節序。其要在於擇善修身。至於化成天下。自鄉人而可至於聖人之道。其學行皆中於是者。爲成德。取材識明達。可進於善者。使日受其業。擇其學明德尊者。爲大學之師。次以分教天下之學。擇士入學。縣升之州。州賓興於太學。太學聚而教之。歲論其賢者。能者於朝。凡選士之法。皆以性行端潔。居家孝悌。有廉恥禮讓。通明學業。曉達治道者。朱子小學

從來說得好。將相本無種。男兒當自強。若你門都肯學。

好教訓子弟。這舉人進士家家都有分了。

引楊椒山訓子曰。人須要立志。初時立志爲君子。後來多有變爲小人的。若初時不先立下一箇定志。則中無定向。便無所不爲。便爲天下之小人。眾人皆賤惡你。你發憤立志要做箇君子。則不拘做官不做官。人都敬重你。故我要你第一先立起志氣來。楊椒山家訓

這士怎麼爲四民之首呢。因他讀聖賢的書。曉得道理。心腸正經。說出來的話。做出來的事。可以叫百姓們作樣範的。

引狄道多西番回子。俱習番經。通不讀儒書。予乃聘教讀二人。於圓通寺設館。募番漢童生讀書者百餘人。至三月後。各生俱知揖讓敬長上。出入循禮。其資質可進者三十餘人。各父兄亦因而知道理。棄番教。舉欣欣然相謂曰。楊公來何遲也。楊忠愍公年譜

這纔稱得起一箇士字。這箇士子是最體面最尊貴的。必須將孝順父母和睦弟兄這兩項事。先做箇根本。

證夏縣張膏之先生諱日民。平日以孝行為鄉里推重。登康熙丁未進士官河南提學僉事。凡士之欲求名

者。當先知敦本也。東村集

像那能說會話的。有些才情能幹卻把做末務。不要倚仗他全要度量寬洪。見識遠大。這纔是秀才裏正人君子。擔當世道的豪傑丈夫。若只會做文章寫好字。吟詩作賦。畫畫下棋。這種技藝。就造到極妙的境界。也不過是箇專門名家。有甚麼希罕。最是畧有些才學的人。讀了幾部圖圖的書。做了幾篇爛時文。打油詩。就跟空四海起來。

證昔唐有士人省試。題是腐草為螢賦。一少年纔十二

三歲從容問事實。士人云：君子之德風，小人之德草，以及青青河畔草，非草乎？囊螢讀書，非螢乎？蓋以年幼無識而忽之。姑舉眼前爛熟事以答也。少年即援筆書云：當年河畔曾叨君子之風，此夜囊中復照聖人之典。遂發解。感應篇贊言。

結交幾個輕薄書生，談天說地，罵世笑人。

證 葵源某孝廉，頗負時望。鄰邑聘修縣志，有公舉兩婦人節孝者，晒曰：不嫁易耳，奚足奇？擯棄之。癸丑春赴禮闈，過泰山下，宿旅舍，夢兩婦戟手相向曰：我輩

茹蘖飲冰，所得僅此虛名，何物狂生，乃謂易而黜之耶！今得請於帝矣。某驚覺告同人，咸謂妖夢不足憑。及入闈，三藝方成，竟自碎其卷而出。秋燈叢話

你看這樣的人，再沒有箇長進的，必須讀的都是正經書籍。那些淫詞小說，一句也不要看他。

證 秀水錢昌齡見其友李沁碧作小說已刊刻，錢以其語涉風情有傷世教，力勸燬板。沁碧從之。是年錢捷南宮，而沁碧之子貞木中道光乙未進士，官山西知縣。思松居筆記

上洋童子忘其名自幼失怙其家三房僅此一子自
祖母而下皆鍾愛之稍長入塾卽不爲無益事一日
過書坊就問何書最快意書坊中以其童而駭也取
濃情豔史諸部示之遂賃觀焉閱半部喟然嘆曰世
間有是書吾必燬之翌日復至書坊大索快意書坊
人出數十種與之童子欲買之坊人曰是書只肯賃
不肯賣童子強聒不已坊人乃謂有急需三十金若
能備三十金來卽賣亦無妨矣童子奔歸告母母以
爲應用經書家所不足者鬻釵釧以補如數付之遂

買而焚於塾母聞之始駭然以愛不之責也次早拾
字灰檢得元寶一錠獻母母乃易怨爲喜注棟香先生信徵錄
相與幾個正經朋友

引楊椒山訓子曰你兩個年幼恐油滑的人見了便要
哄誘你或請你喫飯或誘你賭博或以心愛之物送
你或以美色誘你一入他圈套便吃他虧不惟蕩盡
家業且弄你成不的人若是有這樣人哄你便想我
的話來識破他合你好是不好的意思便遠了他揀
著老成忠厚肯讀書肯學好的人你就與他肝膽相

交。語言必信。逐日與他相處。你自然成箇好人。不入下流也。楊忠愍公家訓

那些狂妄的人。一箇都不要同他往來。處處守着禮。證戴敦甫家有美婢。或勸之納。公不可。曰。吾聞呂獻可云。敗人終身。自造惡孽。不仁之事。吾不為也。以婢為妾。家無規矩。不智之事。吾不為也。速即嫁之。笑時偶錄

事事合着義。

證高安朱文端公諱軾。自少好學勵行。每於古大儒名臣之言行。輒筆記之。以奉為模範。其用功心志極專。

後官至文華殿大學士。景行集

沈恆字士芳。端恪公孫。有人負逋。以二女作償。公惻然更贈以金。或延以花酒。公顏發赤。曰。一時之欲念。易消。畢世之功名甚重。妻程氏。嘗訓子曰。女不可失節。男烏可失身。感應篇註

件件顧着廉恥。獨怕的是不能成立自身。敗壞便辱沒了學宮。

引。凡語必忠信。凡行必篤敬。飲食必慎節。字畫必楷正。容貌必端莊。衣冠必肅整。步履必安詳。居交必正靜。

作事必謀始。出言必顧行。常德必固持。然諾必重應。見善如己出。見惡如己病。凡此十四者。我皆未深省。書此當座右。朝夕視為警。張思叔座右銘

又怕的是名聲雖好。有些慙愧也。還要半夜裏想想。自己果然慙愧不慙愧。像這樣的做去。方纔成得箇真正讀書的士子。

引滿州恩雨堂先生諱普。生平端品勵行。尤好培植士子。嘉慶壬戌。以副憲視學閩中。口占七截二十首。以示諸生。詢可奉為箴銘也。詩云。

一領藍衫袴上身。便休辜負者頭巾。櫺星門內量才別。不取文章只取人。

嘉惠儒林仰卧碑。三朝寶訓共昭垂。每逢朔望勤宣讀。天語諄諄是為誰。

十戶經官九不全。是誰唆訟使之然。且停夢裏生花筆。莫賺人間造孽錢。

討得官批便遠颺。拖人縲縶在監房。豈知弄巧翻成拙。頭上青天有主張。

鄉居意氣任飛揚。武斷公然勢莫當。宰相根苗虛好

語。秀才幾個到中堂。

種田盈畝課鎔銖。奉勸諸生及早輸。山路崎嶇灘水惡。忍勞官長自催租。

小學規模已漸忘。風流爭說少年場。世稱諸葛真名士。曾否尋花縱酒狂。

八叉手縱比飛卿。傳遞何堪誤後生。試看庭筠終不第。可知此事損功名。

搜檢休容夾帶藏。頂名亂號更宜防。誰云小試從寬典。律例條條照大場。

休墮奸人詭計中。木鐘撞騙枉成空。男兒自有凌雲筆。肯採香芹逐臭銅。

偏旁點畫易沿訛。平口留心細琢磨。免得佳文因別字。致疑鈔襲不登科。

春蚓秋蛇古篆繁。經旬鈔撮易描成。子雲莫漫談奇字。載酒侯芭本世情。

暗中摸索得真才。未冠人還入彀來。剛博一衫休自滿。從今根柢要深培。

日月匆匆信擲梭。平時靜氣細編摩。下流發達名流

阨數徧人間總不多。

文武誰言判兩途。科名件件不曾殊。膠庠一入須知禮。莫逞麤豪作莽夫。

此地人材往往奇。彎弓識字兩能之。從來大將皆儒雅。吳玠吳璘最可師。

勉學通儒勉立身。斯言不厭誨諄諄。即看優行提高等。可悟 朝廷作養人。

穩善生涯是筆耕。也須文理略分明。誤人子弟天條重。鄉會難題榜上名。

早聞闕里又南州。遺澤應從我輩留。多少男兒輪婦女。至今漳郡守公兜。

賢者詎隨習俗移。追金琢玉忝人師。相期努力維風化。一片婆心甘首詩。勉戒詩話

那不肯正經讀書的。平日閒專弄夾帶。妄想功名。一到考的時候。或買人頂替。或僱人代鎗。不是想通關節。就是去做聯號。無所不至。徼倖不曾發覺的。

恭錄

御製訓飭士子文 康熙四十一年

宣講明論 卷五
國家建立學校。原以興行教化。作育人材。典至渥也。朕臨御以來。隆重師儒。加意庠序。近復慎簡學使。釐剔弊端。務令風教修明。賢才蔚起。庶幾極樸作人之意。乃比年士習未端。儒效罕著。雖因內外臣工奉行。未能盡善。亦由爾諸生積錮已久。粹難改易之故也。茲特親製訓言。再加警飭。爾諸生其敬聽之。從來學者。先立品行。次及文學。心術事功。原委有敘。爾諸生幼聞庭訓。長列宮牆。朝夕誦讀。甯無講究。必也躬修實踐。砥礪廉隅。敦孝順。以事親。秉忠貞。以立志。窮經考業。勿雜荒誕之談。取友親師。悉化驕盈之氣。

文章歸於醇雅。毋事浮華。軌度式於規繩。最防蕩軼。子衿佻達。自昔所譏。苟行止有虧。雖讀書何益。若夫宅心弗淑。行已多愆。或蜚語流言。脅制官長。或隱糧包訟。出入公門。或唆撥姦猾。欺孤凌弱。或招呼朋類。結社邀盟。乃如之人。名教不容。鄉黨弗齒。縱倖脫褫。朴濫竊章縫。返之於衷。甯無愧乎。况乎鄉會科名。乃掄材大典。關係尤鉅。士子果有真才實學。何患困不逢年。願乃標榜虛名。暗通聲氣。夤緣詭遇。罔顧身家。又或改竄鄉貫。希圖進取。囂陵騰沸。網利營私。種種弊端。深可痛恨。且夫士子出身之始。尤貴以正。

若茲厥初拜獻便已作姦犯科。則異時敗檢踰閑。何所不至。又安望其秉公持正。爲國家宣猷樹績。膺後先疏附之選哉。朕用嘉惠爾等。故不禁反復惓惓。茲訓言頒到。爾等務共體朕心。恪遵明訓。一切痛加改省。爭自濯磨。積行勤學。以圖上進。國家三年登造。束帛已旌。不特爾身有榮。卽爾祖父亦增光寵矣。逢時得志。甯俟他求哉。若仍視爲具文。玩愒弗儆。毀方躍冶。暴棄自甘。則是爾等冥頑無知。終不能率教也。旣負栽培。復干咎戾。王章具在。朕亦不能爲爾等寬矣。自茲以往。內而國學。外而直省鄉校。凡學臣師。

長皆有司鐸之責者。並宜傳集諸生。多方董勸。以副朕懷。否則職業弗修。咎亦難追。勿謂朕言之不預也。爾多士尙敬聽之哉。

謹錄

王補帆中丞

凱泰

巡撫福建監臨鄉試示諭

一科場舞弊。例禁森嚴。諸生文章報

國。當爲懷刑君子。謹慎自持。無爲行險小人。身名俱喪。慎之慎之。

一場內固宜杜絕弊端。場外亦宜恪遵法律。諸生每於

開門點名。卽蜂擁而進。駢肩接踵。擁塞喧囂。或年幼身弱。因擠受傷。或氣喘神疲。入場生病。爲之怒然不安。現定分列中東西三門點名。按時分路分縣序點。高懸燈牌。各府士子。務照以次序進。未到時刻。靜坐安息。不必爭先恐後。所望師長。徧諭生徒。父老諄勸子弟。一體遵照。毋違。

一寅正開點。中路先點旗學。福州府學。東路先點閩縣。西路先點長樂縣。其餘侯官等縣。查照另單。學分子應早赴貢院。聽候點進。乃每有故意遲延。初點不

到。追點過後。趕來數名。輒擠前。卽求補點。少頃又來數名。求補如前。聞福州府學。及閩侯兩縣學。向有請補五六次始齊者。以致多延時刻。在後各學士子。點進過晚。非通行體恤之道。茲定本科點名時。每名高唱三聲。如未到。以次點下。俟本學點完。方准將未到者。挨序補點一次。倘仍不到。便接點別學。不許再補。二次亦不准隨到隨補。以免翻尋遲悞。各宜以功名爲重。毋蹈故習。

一送考人眾。大半爲保護子弟。代挈考筐。然一人而隨

數人是送考奚啻萬餘人能不雜沓擁擠耶。本生自攜考筐。從容而入。數步一息。亦不致勞乏。老生及年幼者。提調官多派丁役。及各學門斗輪遞接送。可也。一府縣辦理場務。日夜勤勞。雖職分所當為。實為士子功名出力。臨場各委員。在外點名。亦恐其擁進受擠耳。如不聽點。一闕而過。是日無官長為

國求賢。賢者當如是耶。實則數人為倡。而後大眾隨之。諸生守法者多。各自立腳。不隨同附和。場規自肅。一進場後。宜入號靜息。以養精神。不得紛紛來往。各號

板已飭府縣寬為籌備。切不可搬取空號板片。致後到者為難。損人利己。即陰隲有虧。有志科名者不為也。

一放場各號不能一時全開。定以次第。原為體恤諸生。恐擠損試卷。且完卷後。靜坐片時。可以檢點訛誤。積學三載。何必取快一時。本部院曾受場屋之困。不憚諄諄訓戒。諸生其勿視為科條之具文。而以為苦口之忠告。勉之望之。

證明孫坦開封人。屢試不中。其岳父為京官。勸之買關

節需千餘金。坦曰：與其行賄欺天，不如爲善格天。士當思造命，何事營求。其岳父怪其迂，不復與言。時兵變後，有士人一妻一女，爲武弁所虜。士人將百金哀懇贖之。武弁欲加倍。士人悲泣欲死。坦聞其事，語其妻曰：吾欲積德，難遇此機會。亟取百金，令士人添足贖回。士人感激，欲納女於孫坦。坦力卻之。急令擇良配。是年鄉試，卽中式。本傳

又有一種讀書人，茶坊酒肆，引類呼朋，學串戲唱清曲，賭錢嫖娼，無所不爲。終年遊蕩，毫不正經的。

證晉皇甫謐年二十，不好學，遊蕩無度。嘗得瓜果以供母。母曰：孝經云：三牲之養，猶爲不孝。汝今年逾二十，日不存教，心不入道，無以慰我。因嘆曰：昔孟母三遷以成仁，曾父烹豕以存教。豈我居不擇鄰，教有所闕，何汝魯鈍之甚也。修身篤行，自汝得之。於我何有。因流涕謚感而好學。遂博覽羣書。晉書

甚至有結黨成羣，打譜設局，武斷鄉曲，出入衙門，把持官府，結交吏役，包攬錢糧，慣作呈狀，挑撥詞訟，嚇詐善良，私和人命，說事過錢，種種不法，喜歡這箇人呢。就替

他做德政歌。若惱了這人。就取綽號。造謠言去編排他。
證明未。吳下有秦生某者。力學多才。尤工歌詩樂府。惟
好作謔語。誚世。或見人形貌不堪。識面而一詩立就。
或聞人作事可笑。入耳而一歌已成。其窗友黃緣。入
伴。作遊庠詩一百韻。贈之。其鄰人帷薄不修。作黃鶯
兒十首。贈之。繪影寫風。窮工極巧。流播遠近。因此屢
困場屋。晚年病瘧。發狂。自啖其糞。取刀剗舌。嚼而吐
之。臭聞戶外。又取斧自砍。節節支解。破胸裂腦而死。
嗟乎。秦生未易才也。以此才而講學論道。吾知其能

入濂洛關閩之室也。以此才而勸善導俗。吾知其筆
鋒所指。易啟人心也。卽不然。而得詩人之正。自寫性
情。吾知其不難分。七子三唐一坐也。以閒出之才。爲
自殺之具。何異以隋侯之珠。彈雀。以太阿之劍。刈薪
也。悲哉。國家立法。惟悖逆者。凌遲處死。秦生之死。更
慘於凌遲矣。快一時之筆舌。而其罪超於悖逆之上。
可不哀哉。感應篇
贅言

引粵自古風日遠。士習寢衰。競誇立說之工。轉受多才
之誤。體製乖夫風雅。累牘連篇。自趣涉乎淫邪。傳奇

宣講引證 卷五
演劇管城侯因遭此輩翻成名教罪人亡是公自顧何顏浪說風流才子甚或操不律之管興一詞株及千家居然逞無稽之談致兩造罹茲三尺欲加之罪忍於畫地爲牢是誠何心自幸漁人得利干卿甚事吐來舌上青蓮於意云何造出眼前黑獄我將披臆爲諸君不憚諄諄爾倘揮毫願從今無然泄泄今夫文人學士虎觀名雄碩彥大儒雞林價重游思竹素才推繡虎雕龍着意鉛丹巧擅翦紅刻翠名言精金石固堪翼傳羽經大義炳日星自足信今傳後勤加

箋註大有功於古人作爲箴銘亦可規乎當世千古不朽之業無難載筆而修一生受福之基端在臨文不苟何乃騷壇憤筆咄咄逼人曲士擣毫非非入想或仿百篇之宮體豔傳洛浦凌波或刊一篋之淫書浪說巫山行雨或續齊諧而志怪描摹牛鬼蛇神或造蜚語以誣良彷彿蠅沙蜚市或顯蹈舞文之律偏教虛鏡塵埋或甘居健訟之名不使公庭草滿若此之類何可勝窮騁厥機鋒矜其智慧卮言日出寫成色界三千綺語難除謬託稗談九百架空中之樓閣

便將指幻爲真。起平地之風波。抑且造無作有。強能
奪理。詞愈妙而心愈虧。術慣欺人。計彌工而惡彌大。
腹真藏劍。用能暗地傷人。筆果是刀。每向行間露刃。
當其濡毫快意。或不自知。試從清夜捫心。能無內咎。
且夫筆墨之禍。尤有甚於干戈。言語難堪。何況垂之
文字。形容媒語。竟同蜂蝶爭喧。周內深文。還比豺狼
更很有傷。雅道大壞。良心卽使陽律幸逃。終覺天誅
罔宥。聊徵往事。敬告今人。尙其觸目而警心。庶幾深
思而有悟。昔許敬宗難逃遺臭。因倡易妻之言。元微

之莫保令終。枉作會真之記。疏增刑律。梁統則孫子
伏誅。檄斥正人。陶穀亦身屍遭劫。他如楊雲仿父書
以閨兄弟。何怪焚身。嚴郎造閨咏。以破婚姻。端宜殞
命。假交契而凌孤寡。周傑之惡疾難醫。藉詞訟而肥
身家。薛敷之覆亡立見。何長瑜好譏諷。慘哉流屍。吳
下生太詼諧。狂而嚼舌。名場被貼。身前原舞弊之胥。
戲劇宣淫。日後受爛腸之戮。孽由自作。夫復何尤。人
之無良。一至於此。昭彰果報。參觀洵足怵心。慎守平
生一字。豈容輕意。莫謂才高似錦。當思墨惜如金。士

也筆下開花燈前起草文堪壽世。將以爭日月光。語足驚人。豈必涉風月趣。洗盡六朝金粉。無虧道義。防閑鍊成十載京都。自見聲名寶貴。有關名節之大。勿肆雌黃。惟期心行之修。慎持楮墨。覺毋開乎鼠雀。親睦成風。譜不作夫鴛鴦。性情弗亂。詞能修意。斯是典故。有則之文。言必立誠。乃爲可誦可傳之作也。夫

王旭初戒筆華文

一切浮躁爭競貪功好利干犯名教的去處。說不盡言。蔡生江左名士也。公車入都。館滿洲某氏家。主人故

惟主母撫一子一女。一老僕執役已歷三世矣。會主母將嫁女。使僕徵田租。僅獲八十金以歸。計不敷用。仍令收貯。僕念身常出外。慮銀有失。因攜入館中。密以情告蔡。乞代爲收貯。蔡納之箱中。曰寄此無妨也。僕謝而去。又半月徵得餘金。僕遂往取前項金。蔡不承。曰汝那得有金存我處。僕曰先生毋戲言。幸見付。蔡怒曰何物老奴敢來誣我。我爲汝家教子弟。豈爲汝作看財奴耶。僕大驚。爭辨不已。蔡聲色俱厲。卽欲解館。主母因疑僕。立門外慰蔡曰。先生勿氣。當責此

叛奴呼僕入痛責索償。僕無以自明。但批頰自罵。夜自縊。次年蔡入闈。精神恍惚。下帷秉燭。親筆備錄其事。自述昧心滅理。罪不可道。解帶自經。比人知覺。體已冰矣。其自供辭。眾爭錄之。以爲文人無行者戒。譚

或者尊尙異說。僻書不知大道理。或者高談闊論。沒有一點實在功夫。這好幾樣人。名式雖叫秀才。其實都是世上第一等下流。玷辱學校的敗類。如何還稱得起箇士子。

引 藍鹿洲先生棉陽書院學準十六章

上智不可多得。中人鮮無疵累。有志來學。吾不忍拒也。然必大節無虧。柔榆可補者。乃兼收薰陶。徐以觀其後效。若干名犯義之士。立身一敗。百行莫贖。此則難姑容矣。絕糧莠以衛嘉禾。一曰澄品類八章。不孝於父母。不友於兄弟。至情罪彰著。鄉人皆知。或致訟公庭。或爲宗族所檢舉者。雖佚罰已久。終難齒士類也。毋入吾門。道聽塗說。非議朝政。凡事不察其實。以齊東野語爲新聞。專務捉影捕風。自矜明哲。

誣謗君上者。毋入吾門。身列宮牆而行同躄蹠。結交匪類。窩盜分贓。此穿窬之士也。毋入吾門。伺候公庭。包攬詞訟。與吏胥隸役。盟心醉酒。結弟呼兄。此奸蠹之士也。毋入吾門。舞弄刀筆。講張詞狀。教唆健訟。遇事生波。或代撰揭帖歌謠。壞人名節。誣讎官長。此訟師之士也。毋入吾門。內行弗修。姦酗是恣。至於亂宗敗俗。烝淫至親。此狗彘之士也。毋入吾門。畜養娼妓。誑人財物。惟利是圖。不顧廉恥。此下賤不可名言之士也。毋入吾門。讀孔孟之書。而開口

念佛齋僧拜懺奉真朝斗書符詛呪畜蠱毒以害人此邪魔之士也。毋入吾門。

大惡不可掩拒之於未入之先。他過貴能更繩之於來復之後。凡學者所為有不是處。同列宜箴規之。切磋琢磨。朋友之道也。事有關係。必求其改而後止。若言之不聽。則再言之。又不聽。則合年長都講共言之。又不聽。則告於師。而痛切言之。三誠而不悛。是自甘敗類也。有逐之而已矣。二曰嚴過失。凡八章。

學者之病。莫大於妒忌。妒忌者。伎求之所從生也。有

技彥聖視若已出。休休有容。雖爲相。不過是矣。若聞人之善。則妬之。見人之才。則忌之。觀其成。而欲其敗。畏其顯。而擠之。晦究於一己。何裨哉。他日得志。必爲妨賢病國之小人。此過不悛者逐之。忠厚之道。君子所以存心。所以待人接物。推而放諸四海。而咸宜。若夫刻薄二字。則是禍之招也。刻薄之人。倫紀必傷。忍心害理。勢亦爲之不留餘地。以予人。此爲鬼神所大忌。出則害及蒼生。怨起寅僚。處亦眾叛親離。患生肘腋。不但不可與入道而已也。此過不悛者逐之。

君子之學。首在戒欺。隨口講張。以誑人之信惑。此自敗之道也。學者有意欺人。則畢生所爲。盡皆僞妄。若無意欺人。而相當滑稽。以虛誕爲高致。亦損德性。壞風俗。後此雖有正言人。將莫我信矣。好爲欺罔。定行奸詐。不信不忠。相因之理。他日得志。必爲欺君悞國之小人。此過不悛者逐之。未俗相尙鑽營。謂科名勢利。可依附權要而得。此大謬也。有命在天。實非人力所能爲。其求而得也。乃命所固有。而多此一求也。其求而不得。乃命所本無。而又多一求之辱也。世間

學。者。講。求。聲。氣。潛。通。關節。科。場。之。歲。百。弊。叢。生。權。要。之。門。奔。走。如。市。而。潮。俗。歲。科。兩。試。又。或。僱。募。鎗。手。代。作。文。字。此。等。敗。露。身。名。俱。喪。卽。使。幸。免。而。獲。高。官。必。爲。植。黨。行。私。盜。竊。名。器。之。小。人。此。過。不。悛。者。逐。之。晉。陶。侃。曰。樗。蒲。者。牧。豬。奴。戲。耳。今。之。士。大。夫。乃。有。好。賭。博。者。何。也。賭。博。賤。行。一。經。失。足。無。不。沈。溺。終。身。廉。恥。盡。喪。廢。時。失。事。破。產。亡。家。皆。由。於。此。與。夫。賤。隸。閒。或。偶。爲。君。子。猶。將。禁。絕。奈。何。躬。自。蹈。之。若。夫。開。場。窩。賭。誑。誘。人。財。此。與。殺。越。人。於。貨。無。異。不。幸。同。學。有。此。

則必鳴鼓而攻。不可一日姑容。爲所玷辱。倘一身自好。賭博則亦與夫賤隸牧豬奴之儔。非吾徒也。此過不悛者逐之。武斷鄉曲。及市井無賴之所爲。君子凡事揆情度理。本忠行恕。豈肯加人以所不堪。乃潮俗好尙強梁。睚眦相爭。揮拳結訟。或奪人之田。侵人之宅。霸踞山溪。以爲己利。婚姻強合。墳塋強葬。暴寡欺孤。把持官府。又或將忤己之人。私捉禁閉。酷刑毒虐。此等舉動。皆干天怒。犯國法。爲鬼神所痛嫉。有一於此。足以亡家。勿謂三尺尙賒。可以惟所欲爲也。此

過不悛者逐之。口舌之禍。慘於刀鋸。君子欲訥於言。非故爲拘謹也。說人是非。誣人優劣。彰人過失。譏人成敗。皆爲人情所不堪。興戎召怨。患已生於眉睫。而況發人陰私。敗人機務。談人閨闈。謗人聲名。有不殺身者寡矣。口舌便利。亦是天生聰明。弗宜暴棄之一端。不以讀書講學。而以妄語招尤。猶坐薪而舉火。療饑而飲鴆也。此過不悛者逐之。維正之供。度支所出。百官祿廩。軍士儲精。天下民生國計。皆於是乎取給。故錢糧不可緩也。士爲四民之首。宜急公先納。

以爲民偕草茅無可效忠。卽此分內當然。及早輸將。亦尊君親上之一事。不可以爲迂而忽之也。況今功令森嚴。包攬積逋。皆有顯罰。諸生互相勸誡。勿蹈頑民惡習。倘年年積逋弗清。或包收他人糧米。必至褫鞶。極枯大爲同學之羞。此過不悛者逐之。節錄棉陽學準宋朝有箇胡瑗。是一箇理學名儒。他在湖州做教官。跟他讀書的人。箇箇都文雅謹慎。漢朝先有箇文翁。他在四川做教官的時節。把四川一省的人都教化過來。所以教官一缺。

萬歲爺獨令舉人貢生們做。無非要認真讀書。興起賢才。教化百姓們。成就箇好風俗的意思。但是學校之事。固然在乎做教官的教導。還要在爲士子的自己愛惜聲名。這纔好哩。

證 明鄞縣南鄉北渡有孫姓者。就童子試。晨起往它山廟焚香。行至眺江橋上。見一囊甚重。攜歸視之。乃批文一角。銀二百兩。係奉化縣解府錢糧也。生以告父。父曰。爾欲還之。抑取之耶。生曰。錢糧乃解役身家干係。何可不還。父曰。爾能如此。府案必取。生遂至眺江

橋伺之。至晚見一人踉蹌而來。鎖鈕號泣。生曰。汝得非失銀者乎。其人曰。我爲本縣差。解銀二百兩至府。因天早步行。負重勞頓。天尚未晚。暫卧橋解包爲枕。及覺徑行。到城方記。已無及矣。生曰。汝弗懼。我得之。今在我家耳。卽引歸還之。役曰。旣蒙見還。敢煩同往作證。生難之。父曰。汝拾遺不昧。官必獎汝。生遂同至府。失銀之役。備述其故。太守起立揖生曰。汝能如此。願汝世世榮昌。汝歸肄業。出案我必首拔。是年府主卽薦之入伴。次年食廩餼。出除王府教授。後四世明

經三爲王府教授一爲府學教諭。至今書香未絕。信錄

讀書的人。果然品行端正了。然後發出來的文章。句句都是實在的。沒有一句空言了。

證江陰張思巖積學工文。萬曆甲午鄉試不第。大罵試官。一人在旁曰。相公文必不佳。張遷怒曰。汝安知之人。曰。聞作文貴心氣和平。今聽罵聲如此。胸中不平甚矣。張不覺屈服。請教。人曰。命不該中文。雖工無益也。然造命者天。立命者我。力行善事。則自求多福矣。

張曰。我貧儒無錢行善。人曰。善事陰功。皆由心造。如謙虛一節。並不費錢。如何不自反而罵試官乎。張由是感悟。節錄立命篇

就是做出來的事體。也沒有浮薄的行徑了。

引謹錄 王補帆中丞示勸生監敦品六言韻語

生監身列膠庠。品行最宜講究。豈可悖禮妄爲。不顧名聲好醜。或圖唆訟包糧。甘與書差爲偶。或敢恃符逞強。欺壓閭閻老幼。甚或貪利忘親。竟忍傷殘骨肉。讀書所學何事。清夜問心安否。倘被告發到官。王法

更難寬宥。身負刁劣之名。子孫亦為蒙垢。如果立品端方。一言一動不苟。行誼取法古人。心地常存忠厚。他年釋褐登朝。自可名垂宇宙。即使終老田間。亦可方型俗牖。非但齊民欽仰。定有神明默佑。近則自求多福。遠則克昌厥後。為此告諭諄諄。望爾互相勸誘。各宜自重自愛。毋負慈心苦口。四勸永諭節錄

這樣人在草野中稱得起一箇名儒。

引讀書見一件好事。則便思量我將來必定要行。見一件不好的事。則便思量我將來必定要戒。見一箇好

人。則思量我將來必要與他一般。見一箇不好的人。則思量我將來切休要學他。則心地自然光明正大。行事自然不會苟且。便為天下第一等人矣。楊忠愍家訓

在

朝廷上便可算箇良臣。

證

趙清獻公每夜焚香。若有所祕祝。人間之。公曰。我自幼來。日有所為。夜必焚香告天。

上帝蒼蒼冥冥。我安能必達。但默自防閑。庶幾知所畏懼。不敢出之於口者。不至見之行事耳。丹桂瓣香

嘉興朱達吉字青侶。授江西東鄉令。臨案鞫獄。惟恐
冤及無辜。多善政。有令譽。後因告病回籍。有鄉戚至
東鄉。詢其民曰。吾邑朱某爲官若何。民皆拱手曰。好
官。曰。究竟若何。民又曰。不要錢。不糊塗。勤謹公事。不
惜辛苦。真好官也。奈不能留。吾民無福。後以御史內
遷。任廣東糧道。沈柳坪述

這做士子的干係。豈不重麼。這些話都是教導你們士
子的。至於你們做兵的。做百姓的。不知道學校。是這樣
有關係。以爲這是做秀才的事。與我們甚麼相干。卻不

知道你們身子。雖說不是秀才。但你們那一箇沒有箇
倫常阿。

證黃新德。海陽縣吏也。讀書僅識字。涉獵故事。出語好
遣。文人皆笑之。家故貧。義不苟取。或勸以稍趨勢。得
周急。新德曰。原憲之緼袍。賢於季孫之狐貉。宣孟之
魚食。甘於智伯之芻豢。時人異焉。康熙辛亥。授廣西
梧州府賓家寨巡檢。弭盜有方。郡守稱其才。乙卯夏。
攝藤縣尉。值滇黔叛逆。山寇蜂聚。圍籐邑。時兵少。議
降者半。遁者半。新德曰。棄城非守土之義。降賊受戮。

社之誅。不如死守。修雉堞。整樓櫓。身先登。降鼓舞眾。志相持者旬餘。薪糧內絕。外援不至。呼其子曰。禱曰。忠孝不能兩全。汝扶我老母旋歸。後此奉養之事。皆汝爲之。汝孝於祖母。卽汝之孝於我也。城陷被執。賊欲授以僞官。新德曰。何面目見天下人。王彥章且不肯降唐。况天朝臣子從賊乎。賊欲屠民。新德曰。倡守城者尉也。誓不與賊俱生。期滅汝曹朝食者尉也。逆賊殺尉足矣。於百姓何尤。賊怒斫之。新德罵不絕口。刀斧交下。碎其屍。家人四婢一皆死焉。日禱負祖母。

得脫隱跡乞食。越兩載始還至家事聞。

賜祭褒恤。贈南甯衛經歷。鹿洲初集

當初古聖先賢說得好。教化百姓。最要緊的謹慎。還要把孝順的道理。和睦的心腸。着實叮嚀囑咐。方好哩。又說道。這箇倫常。若是上邊講究的明白了。百姓們就你親我愛了。可見學校中的教化。不專教導這些士子們。也可以教導你們百姓們哩。

證陳王猷字良可。歷曲江連州司鐸。遷肇慶教授。所至講經史。明禮義。多士負笈從學者。廡舍爲滿。絃誦之

聲達街衢。文風翕然不變焉。曲江射圃為權部馬廄。汗及殿廡莫敢問。猷力請上司得清還。連學傾圮。猷捐貲倡建。釀金千餘成其事。端州丁祭典禮闕略。為置爵罍俎豆祭器。及樂器舞器。集生徒學禮習樂。入廟。雖。雖。郡人以為創見云。舊例廣文見權部皆羅拜庭下。猷以為失賓師體。挺然長揖。時人韙之。年六十八卒於官。鹿洲初集

若論學校裏頭。文武並重。雖然一處讀書課文。又一處拉弓射箭。各有各事。但是孝順爹娘。尊敬哥哥的道理。

無不相同的。種田的若能穀知道這箇理。便敦本務實。農夫就是士子了。當兵的又能夠知道這箇理。便敬長孝親。兵丁也是士子了。這等看起來。學校豈不是你兵民們都該隆重的嗎。

引木之就規矩。在梓匠輪輿人之能為人。由腹有詩書。詩書勤乃有。不勤腹空虛。欲知學之力。賢愚同一初。由其不能學。所入遂異閭。兩家各生子。孩提巧相如。少長聚嬉戲。不殊同隊魚。年至十二三。頭角稍相疎。二十漸乖張。清溝映汗渠。三十骨格成。乃一龍一豬。

飛黃騰踏去。不能顧蟾蜍。一爲馬前卒。鞭背生蟲蛆。
一爲公與相。潭潭府中居。問之何因爾。學與不學歟。
金璧雖重寶。費用難貯儲。學問藏之身。身在則有餘。
君子與小人。不繫父母且。不見公與相。起身自犁鋤。
不見三公後。寒饑出無驢。文章豈不貴。經訓乃蓄畬。
潢潦無根源。朝滿夕已除。人不通古今。馬牛而襟裾。
行身陷不義。况望多名譽。時秋積雨霽。新涼入郊墟。
燈火稍可親。簡編可卷舒。豈不旦夕念。爲爾惜居諸。
恩義有相奪。作詩勸躊躇。韓文公勸學詩

正人君子。豈不是你兵民們都該跟着學的嗎。

證王蘭溪孝廉。秀水縣人。本非士族。至其父藉微資。經
紀而已。未詳他善。而詳其尊師。延某課其子讀。特加
禮焉。通縣不乏富戶。凡延師必計較於束金之多寡。
供膳亦薄。王每食豐潔無少懈。東修外別有飲助。一
時爲師者。以不得館王氏爲恨。蘭溪中式嘉慶舉人。
今其子小溪亦登咸豐間鄉榜。居然世家。敬師之善
報如此。梁恭辰勸戒六錄

誰沒有箇五倫。誰沒有箇天性。

證

唐安祿山反。陷長安。宴羣臣於凝碧池。樂奏梨園子弟多秋。獻泣下。賊皆露刃睨之。樂工雷海清不勝憤。擲樂器於地。西向慟哭。祿山怒。支解之。同時又有樂工安金藏者。亦罵賊不屈死之。祿山又使眾入場拜舞。眾亦怒目視祿山。僵立不屈。祿山怒殺之。吁臨難之際。若輩亦能效忠。人孰無良心哉。唐書

長洲一丐者。所得多不食。每往沈孟淵家乞物。沈異之。踵其所至。伺焉。至野岸。一舟雖陋頗潔。中有老母。丐者出物列母前。傾酒跪奉。伺母持杯。方起跳舞。謳

歌嬉戲以娛母。常日如之。



日記故事全集

誰不該隆重學校呢。你們大家彼此幫助着。好事呢。勸着人做。歹事呢。攔阻着。叫他不要做。彼此都要學做良善的人。

引天地生萬物。惟人最爲貴。人中有好人。更出人中類。好人先忠信。好人重孝悌。好人知廉恥。好人守禮義。好人不縱酒。好人不戀妓。好人不賭錢。好人不鬪氣。好人不恃富。好人不倚勢。好人不欠糧。好人不侵地。好人不教唆。好人不妒忌。好人不說謊。好人不謔戲。

宣講引證
卷五
好人沒閒言。好人不謗議。好人沒歹朋。好人沒浪會。
好人不鹵莽。好人不狂悖。好人不懶惰。好人不妄費。
好人不輕浮。好人不華麗。好人不邈邈。好人不蹺蹶。
好人不強梁。好人不暗昧。好人救患難。好人施恩惠。
好人行方便。好人讓便宜。惡人罵好人。好人不答對。
惡人打好人。好人只躲避。不論大小人。好人不得罪。
不論大小事。好人合天理。富人做好人。陰功及世世。
貴人做好人。鄉黨不呪詈。貧人做好人。說甚千頃地。
賤人做好人。不數王侯貴。少年做好人。德望等前輩。

老年做好人。遮盡一生罪。弱漢做好人。強人自羞媿。
惡人做好人。聲名重千倍。好人鄉邦寶。好人家國瑞。
好人動鬼神。好人感天地。不枉做場人。替天出口氣。
吁嗟乎。百年一去不復還。休做惡人。流世間。呂司寇
好人歌
便是愚笨的百姓。也可以拿着禮義。當做耕的田犁的
地。便是麤魯的武夫。也可以拿詩書。當做披的甲戴的
盔。天下都跟着這箇道理。不都成一樣的風俗嗎。從古
來盛世的樣子。到如今不重新。的又見了嗎。



Vertical text on the right edge of the page, likely bleed-through from the reverse side or text from an adjacent page. The characters are small and difficult to read, but appear to be arranged in a column.

